



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-188-4/21**
Datum: **09.07.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „HIFA-PETROL“ d.o.o. Vogošća, za izdavanje vodne dozvole za ispuštanje tehnoloških otpadnih voda i oborinskih onečišćenih voda, koje nakon upotrebe ili oborina dopijevaju u vode sa lokacije objekta benzinske pumpne stanice sa pratećim sadržajima i autopraonicom, izgrađenog Ulici Put Armije BiH u naselju Pritoka u Bihaću, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E **o vodnoj dozvoli**

1. Daje se vodna dozvola pravnom licu „HIFA-PETROL“ d.o.o. Vogošća, za ispuštanje tehnoloških otpadnih voda i oborinskih onečišćenih voda koje nakon upotrebe ili oborina dopijevaju u vode sa lokacije objekta benzinske pumpne stanice sa pratećim sadržajima i autopraonicom, izgrađenog u Ulici Put Armije BiH – naselje Pritoka u Bihaću, na zemljištu označenom kao k.č. broj: 338/1 K.O. Pritoka (stari katastarski operat), odnosno k.č. broj: 1143/1 K.O. Pritoka (novi katastarski operat), Grad Bihać.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-Sanskog kantona, u skladu sa članom 139. stav (2) tačka 1.i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta benzinske pumpne stanice sa pratećim sadržajima i autopraonicom, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Skladištenje nafte i naftnih derivata vršiti u podzemnim dvoplašnom rezervoaru, sa primjenom sistema automatske dojava o procurenju međuplašnog prostora, ukupnog kapaciteta 100 m³.
 - 3.3. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.4. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina i autopraonice, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent.
 - 3.5. Prečišćene oborinske i tehnološke onečišćene vode moraju ostati u maksimalno dopuštenim granicama definisanim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.7. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene

- laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 3.8. Objekte za prikupljanje, tretman i ispuštanje onečišćenih otpadnih voda (slivnici, rešetke, zacjevljena kanalizacija mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
 - 3.10. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, korisnik „HIFA-PETROL“ d.o.o. Vogošća je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske stanice obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od **5 (pet) godina**, od dana pravosnažnosti ovog rješenja.
 10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, „HIFA-PETROL“ d.o.o. Vogošća, obratilo se ovoj Agenciji, dana 28.04.2021. godine, zahtjevom za izdavanje vodne dozvole za ispuštanje tehnoloških otpadnih voda i oborinskih onečišćenih voda koje nakon upotrebe ili oborina dopijevaju u vode sa lokacije objekta benzinske pumpne stanice sa pratećim sadržajima i autopraonicom, izgrađenog u Ulici Put Armije BiH – naselje Pritoka u Bihaću, na zemljištu označenom kao k.č. broj: 338/1 K.O. Pritoka (stari katastarski operat), odnosno k.č. broj: 1143/1 K.O. Pritoka (novi katastarski operat), Grad Bihać.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Aktuelni izvod o upisu subjekta upisa u sudski registar; izdano dana 15.02.2021. godine od strane Općinskog suda u Sarajevu pod brojem 065-0-RegZ-21-001400,
- Ovjerena kopija Uvjerenja o poreznoj registraciji-prijepis, izdano dana 23.02.2005. godine, od strane Federalnog ministarstva finansija, Porezne uprave Federacije BiH – Kantonalni ured SARAJEVO,
- Ovjerena kopija Uvjerenja o registraciji obveznika poreza na dodanu vrijednost, broj: 04/1-UPJR/I-3511-2/08, izdano od strane Uprave za indirektno – neizravno oporezivanje Banjaluka dana 20.05.2008. godine,
- Punomoć na ime Nadina Arnautović izdata od strane pravnog lica – podnosioca zahtjeva,

- Ugovor o kupoprodaji nekretnina između „HIFA – PETROL“ doo Vogošća i „ELEKTROMETAL“ doo Cazin sačinjen od notara Merhunise Dedić iz Bihaća dana 11.03.2016. godine pod brojem OPU-IP broj 103/16,
- Rješenje kojim se odobrava korištenje benzinske pumpne stanice u naselju Pritoka – Bihać, izdato od strane Službe prostornog uređenja i komunalnih djelatnosti Općine Bihać, pod brojem 03/1-23-3-2354/09 dana 10.06.2009. godine,
- Kopija prethodne vodne dozvole izdate od strane AVP Sava Sarajevo broj UP-I/25-3-40-326-7/16 od 04.07.2016. godine
- Uplatnica upravne pristojbe,
- Izvještaj o monitoringu kvaliteta i kvantiteta otpadnih voda benzinske pumpe i autopraonice „Hifa – Petrol“ Pritoka-Bihać, urađen od strane „Inspekt – RGH“ doo Sarajevo, pod brojem 27/21. januara 2021. godine.
- Kopija rješenja o okolišnoj dozvoli, kojim se izdaje okolinska dozvola pravnom licu „HIFA-PETROL“ d.o.o. Vogošća, za poslovni objekat benzinske pumpne stanice i autopraonice koja se nalazi u Ulici Put Armije BiH – naselje Pritoka u Bihaću, na zemljištu označenom kao k.č. broj: 338/1 K.O. Pritoka (stari katastarski operat), odnosno k.č. broj: 1143/1 K.O. Pritoka (novi katastarski operat), Grad Bihać, izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-23-4847-UP-1/16, dana 30.08.2016. godine u Bihaću, izdata na rok od 5 godina.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenog poslovnog objekta benzinske pumpne stanice sa pratećim sadržajima i autopraonicom i tom prilikom sačinjen zapisnik o uviđaju broj: UP-I/25-3-40-188-3/21 od 08.07.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni objekat benzinske pumpne stanice sa pratećim sadržajima i autopraonicom „HIFA_PETROL“ doo nalazi se u Ul. Put Armije BiH u naselju Pritoka u Bihaću.

Objekat se sastoji od nadstrešnice iznad 2 aparata za istakanje goriva na jednom ostrvu, sa maloprodajnim mjestom i kafe barom, sanitarnim i upravnim prostorijama, spremnika za gorivo, spremnika za LPG – ukapljeni plin i aparata za punjenje rezervoara plinom, autopraonice, separatora, internih saobraćajnih i parkirnih površina.

Gorivo se dovozi autocisternama i pretače u ukopani dvoplašni spremnik, ukupnog kapaciteta 100 m³. Plinski nadzemno instaliran rezervoar je kapaciteta 5 m³.

Sanitarne otpadne vode iz maloprodajnog objekta su kanalizacionim cijevima sprovedene u septik. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do ispusta u recipijent – zacjevljeni potok. Oborinske onečišćene vode sa manipulativnih površina, koje mogu da sadrže produkte naftnih derivata i suspendirane materije, se nivelacijom terena slijevaju ka slivnicima i linijskim slivnim rešetkama kao i tehnološke otpadne vode iz autopraonice, se cijevnim sistemom odvođe do separatora ulja i masti na potreban tretman. Preliv iz separatora preko okna za monitoring je priključen na zacjevljeni potok kao krajnji recipijent. Oborinske vode sa betoniranih pretakališnih površina se nivelacijom istih ka linijskim slivnim rešetkama prikupljaju i odvođe, također do separatora ulja i masti na potreban tretman.

Predmetni objekat se snabdijeva vodom sa javnog gradskog vodovodnog sistema te ispušta otpadne vode nakon tretmana u separatoru sa koalescentnim filterom u recipijent zacjevljeni potok uz magistralni put M-5.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „HIFA-PETROL“ d.o.o. Vogošća, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Prilog: Studija za izdavanje PVS iz 2016. godine

Obrađivač akta:
Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „HIFA-PETROL“ d.o.o. Vogošća, Hotonj bb, 71320 Vogošća,
- ➊ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava